

冬九藏名亦尔冬城原属波密置以管官鈐束地方亦名下波密
於宣統三年克服设治遂改为冬九县其沿革与波密县同

附駐藏大臣及罗参贊公牘一束

为飭知事五月初七日案准四川总督部电复江孜轉联大臣鉴
与密电悉已奏派鳳都統山督率西軍中营及彭营由碩般多进攻后
营由察窪岡夾攻祈飭鍾軍即駐紮工布以資鎮攝并防波匪竄逸等
因准此查边軍既已分道而进波匪势必分道而迎我軍乘机以可並
进夾攻俾使该逆首尾不能相顧但須穩紮穩打素知该参贊關於軍
学当落人之后特此轉知切切

为申报事参贊於四月二十六日至德摩点驗軍队安置飭兵勘
查地理形势及派員駐紮江达轉輸粮餉各在案茲奉轉知四川总督
部堂奏派都統鳳山督率各营分道来援我兵亦当乘机进攻以分賊
勢等因准此窃查駐德摩之兵現有兩营兩連兵力不为不厚正在整
理以备进攻据密探报称匪据魯朗千余人早晚来犯除防禦外查魯
朗以南德摩之东南有格布溝一路亦为通下波密大道如我兵进攻
魯朗甚恐匪由此路来犯扰我后路如兩路並进又恐兵力不敷参贊
已令駐防工布土兵来此先行堵禦格布溝再行前进今边軍分头来

援賊勢必分我軍乘机进攻适合时宜参贊已移知鳳統領随时互通
消息取宜併进以分賊勢謹請毋虞惟有第三营管带陈渠珍既敗之
后更与張鴻昇不合本应撤职辜念新敗代罪立功特此申请 鉴核 奏



至申者五月十四日

为照会事窃於宣統三年六月十六日奉駐藏大臣联沅知准四川总督部堂奏派鳳督护率領西軍中營及彭營由碩般多進攻后營由察窪岡夾击祈仿鍾賢即駐紮工布以資鎮攝并防波匪竄逸等因奉此伏查藏軍現有步兵兩營砲兵一連騎兵一連駐防工布之德摩东距冬九回站待援反攻貴軍何日由何进取請其預先示知俾使雙方並進使該匪首尾不能相顧并望隨時函示互通消息以聯絡除申聯大臣特此照會須此照會者羅長琦六月十七日

岐峯統領仁兄大人鈞鑒巴塘一別瞬經一載台端平三岩取得榮今又遠道來援欽佩莫名聞彭營前頭步隊已入波境涼跳梁小醜不足道軍一戰當為西藏以及國家共同一賀弟自本年四月初奉命駐紮德摩整理殘軍以備待援反攻以后猶望隨時指授机宜謝國樑一營由台端指揮查波匪重在喇嘛涼有所聞鍾鼓鳴爭經弟立保現為遣幣慰勞俟軍務平定仍請接授管理以全友誼特此佈達敬請勳安弟長琦六月十七日

为申报克服魯朗事窃參贊於六月十二日率隊進攻魯朗於午后三鐘行抵距魯朗四五里之泥馬有偏橋一道匪數百人壘卡據守我軍衝鋒痛击乃卡堅且深步槍无效用大炮轟之一面令張鴻昇馬隊由上游渡河抄其後路陳渠珍率兩連攀登左山由上指卡內射击該匪漸有動搖之勢參贊兵猛撲隊長祥麟先奪桥头要卡一道立斬紅衣匪首一人賊勢不支經張鴻昇從後路截击竄逃而散遂进取魯

朗时已八钟百姓逃之已空即布卡防守仍派士兵四路偵探是役也
击匪百余人我兵亦有伤亡拟在此休兵一日再为前进特此申报伏
乞鉴核 頌至申者

为申报克服冬九事於六月十三日据密探报称駐冬九番目係
波密酋長之弟名德塞吉古兜恶不群聚匪三千余人 势焰囂张以为
抗拒我軍既至魯朗进則为宜守則为逸乘一鼓作气前进以标統陈
庆携带四連大炮一門为前队参贊督兵为后队三更造饭五更拔队
出发至午后一钟前队抵达冬九而匪将大桥拆去据河对岸壘卡拒
守幸河面不寬陈庆令一連繞道上游以繩渡河一面用大炮雷裏对
岸使匪不能出卡乘时搭桥匪潰欲奔老寨我上游渡河之已至截击
大兵过河連战皆捷待参贊至时陈庆已入冬九矣是役也击匪百余
我軍一卒未伤复得冬九皆賴我帅之鸿福俟后探明如何情形再陈
报特此申请俯賜鉴核 頌至申者

为申报兵进八郎登事前呈匪退湯墨招撫冬九百姓投诚各事
宜諒邀鈞鉴於六月二十一日据管带谢国樑禀报同边軍管带彭日
昇於六月初五日由碩般多进兵初九日破傾多寺二十四日得宜
魯卡宿木宗等处欲攻逆匪白馬策翁見各軍猛进唯敌即逃往白馬
岡現谢国樑同彭营已至彝貢距冬九以北僅有二日程鳳統領駐紮
傾多寺督率各营驅剿中波密甚以得手参贊拟先进兵噶郎搜剿下
波密乃湯墨大桥被拆毀河寬水急工程浩大即令标統陈庆进驻八
郎登公迈等处鳩工造桥俟桥工完竣再为前进复查白馬策翁逃亡

係由薄藏布河經滴動火熱大橋逃往白馬岡此地與冬九以相距四五站已令管帶張鴻昇率領全營進駐拔多雄相機進剿并飭由藏帶來喇嘛携其告示前往宣慰以便招誘現在波匪已潰各軍正在搜查余逆涼不甘可以全境肅清待參贊進至噶郎或赴傾多寺與鳳統領面商如何情形再為呈請特此申報伏乞鑒核頌至申者

為申報白馬岡一律肅清擬先設治事竊於七月初二日據管帶張鴻昇報稱該營於月前奉令進駐拔多雄相機進剿遂於潤六月初八日進攻火熱大橋至時未見匪影百姓紛紛投誠此橋係據薄藏布江以南為白馬岡黃夷犴夷野番地方隨管帶去西藏喇嘛丹貞楚稱先行赴白馬岡宣慰如其投誠即以招安否則進兵剿至六月十五日丹貞楚稱同白馬岡酋長青曾及仁進邦頭人頓吉昂錯押解波密酋長白馬策翁及其弟德塞吉古全家首級來營投誠據稱自波密失后白馬策翁等逃至白馬岡之湏木地方不知悔過仍然聚兵反抗俟經結仲喇嘛从中勸阻與約白馬策翁前往傾多寺面請鳳大人悔過招誠設官必以寬待而德塞吉古云結仲傾向設官欲意殺之人民弗願迨逢丹貞楚稱來此宣慰如其幫助波密是為叛逆如其投誠同為大皇上帝百姓況大兵已至江邊倘若遲疑勢必入境求福求福爾等自行決之小爾等自生化外不知禮節只知大皇上帝能以保護人民遂與仁進邦頭人頓吉昂錯會商殺白馬策翁等除去后患特此前來投誠等語管帶復詢丹貞楚稱俱為事實似此白馬岡投誠以南各部野番必望鳳跟踵前來此天假良機猶為我憲籌畫之深也管帶即優厚款

待青曾等留住一日派連長張會如率兵四十名護送青曾等赴究台行營處理等因俱此前來旋經復訊與張管帶所報相同即令本地土人辨別皆云為白馬策翁全家首級是真今白馬岡來歸誠如張管帶所云以南各部踉蹌而來設官分治東與察隅縣相連南橫印緬不使地方稍有甌脫巩固國防皆賴我帥之福也白馬岡酋長為人誠實據其所轄百姓八百餘戶情願改設漢官伏查白馬岡人煙須少而地方有關國防既已內附必先設官治理擬請暫設白馬岡設治局俟黃夷作夷來降再改為理事官現經參贊札委縣丞王模同該酋長前往查勘地理山川形勢以及戶口并飭管帶張鴻昇約帶一二連同往會商辦理是否有當理合具文申請伏乞鑒核示遵須至申者

為申報邊軍回防波密全境肅清設官分治事竊於七月十四日案准川邊巡防新軍兼代西軍統領鳳山移咨內開本統領於七月初十日奉邊務大臣電令波密既平各營迅速回防駐紮并飭本統領前往八宿類伍齊查勘地方一同設治凡此次各營在前敵所獲槍刀牛馬一并移交駐紮波密羅參贊接收等因奉此應請貴軍派兵填防并遴員來營點驗接收各物件以便起程回防除稟呈邊務大臣及駐藏大臣外理合移咨貴參贊請煩查須至咨者

計開各營呈繳刀槍牛羊現在存儲頗多寺宜魯卡及宿木宗松宗寺等處叉子槍共一千零四桿刀柔九百七十六件供器佛像共四百四十二件計八十二駄跳舞衣服及氍毹毯子蠻皮襖共二千三百九十一件計六十四駄零一支牛一千一百一十三頭羊一千八

百五十一支騾馬四百零七匹查封各處糶糧九倉外十八石六斗已
發門牌護照投誠百姓清冊一本共二千三百八十三戶江南十三村
已投誠尚未發給護照門牌者不在此數合併聲明等因准此參贊即
日令謝國樑全營分駐傾多寺松宗寺陳渠珍一營駐紮彝貢宿木宗
等處統轄駐紮噶郎并委張子九等前往接收所獲之刀槍牛馬去訖
復查波密全境肅清地方沃壤誠為西藏之奧區設官分治宜早經管
莫落人后惟地方辽阔如噶郎冬九彝貢宿木宗傾多寺湯墨滴劫金
竹仁進邦等處均應設治乃因財政不濟僅可先擇其繁要之處設治
擬將噶郎冬九改為兩縣各設理事一員先行清查戶口錢糧將來西
藏建省應添之處再為設置是否有當伏乞鑒核示遵須至申者羅長
琦七月二十三日

方 位

本縣在北經二十度東緯二十九度踞冬拉岡里嶺陽東依薄藏
布江西倚德摩嶺其形勢南北長方如缺角一印以全縣面積共三萬
八千零七十二方里其疆域北至八衣以色列瑪岡里嶺北與碩督縣
界西北與嘉黎縣界東以薄藏布江與波密縣界南亦薄藏布江南與
白馬岡界面南與宿木黃夷野番界面西以德摩嶺與工布界

治 所

本縣治所據冬九小河二水合流之處就以前官寨為縣府人民

几十余户环列而居綠柳青葱一风景区也

山 川

本县北由碩督县之魯貢喇山南伸一支名色拉瑪岡里岭高拔一万一千余尺盘旋於北部东行入波密县界名普龙山环绕南伸入境名德摩岭以东为甲米青山南行名独胸山以全县形势水向东流入江转向西南崇山深谷杂树弥爛一覆地也

道 路

本县北路由县治北行越一土山六十里至接着宿逾披龙山上下七十里至彝貢海子边过日貢河四十里至彝貢北通边坝由彝貢海子沿河西北行七十里至八义宿六十里至炸密西北通嘉黎县彝貢海子一週六十余里地方沃野人煙稠密沿岸环居海中多魚其大重有百余斤者海边多柳以皮船可渡往来綠叶黄花一风景区也

东路順冬九河东六十里至八朗登宿七十里至曲隆宿由此过江东通波密县八朗登当宣統二年陸軍营長陈渠珍率汉兵五百土兵三百进攻噶郎經此被困八朗登上倚高山下临深潭匪砌石卡数道上按滾木播石战至昼夜而匪匿於河之南岸对面射击陸軍不支急退已伤亡过半一險道也

南路出城逾甲米青山南行路道險窄拔枝攀藤七十里至火热宿路漸平埋六十里独胸宿踰独胸山拔多佃宿一薄多削七十里至

火熱大橋南通白馬岡由火熱大橋西北行經格布沟逾德摩岭为通
 工布大道火熱大橋係騎薄藏布江此橋係天然生藤由兩岸自行勾
 接而成名曰藤橋長四十余丈不知几千百年之物現在仍係活藤支
 叶密茂副於橋身人行其上誠为藤萝映月一奇景也此种藤橋波密
 地方尚有数道有能行人不能行人者亦有高悬数百丈据土人云常
 有群猴假悬崖生藤为鞅鞅两相勾接而成一名猴橋

西路出城西行路道寬洵經覺泥坝六十里至腊左宿七十里至
 魯朗宿逾德摩岭七十里至德摩宿西通工布宣統二年陸軍由冬九
 敗此凡死亡士兵葬於南山古邱纍纍共斜阳懶兵以詩悼之

古邱万里纍南山

碧血生燐月一湾

白骨堆中传消息

深閨猶唱玉门关

气 候

本县气候冷热不均县治北部极寒至零下三十余度冬拉岡里
 岭終年积雪多暴风係一游牧之地其南部沿江一带气候温和热至
 百余度产稻谷稞麦莜粟豌豆等年收二季产蜂蜜最佳产野山药野
 紅 重有数十斤食之蜜甜

花 木

本县北日貢河起南至江边杂树参天密茂成林为寨上极盛之

森林所产之松柏杉檜高至十余丈以四五人围之诚为大树将军有桃梨杏梅石榴葡萄香椿核桃木桃山茶蔷薇凤仙紫荆迎春青竹藤罗及草本花草数十种不胜枚举所产之藤藏入作为马鞭桿皆由此输运销售康藏全境为一特产也

鸟 兽

与波密县同

藥 材

同 上

寺 院

寺 名	教 别	方 位	人 数
雪 波 寺	紅 教	中 部	百余人
雨 覺 寺	紅 教	中 部	四十余人
东 亚 寺	紅 教	中 部	四十余人
彝 貢 寺	黄 教	北 部	六十余人
渣 礼 寺	黑 教	北 部	二十余人
披 聿 寺	紅 教	东 部	四十余人
滴 动 寺	紅 教	东 部	四十余人

喀	拉	寺	黑教	东部	三十余人
牛	未	官寺	黑教	南部	三十余人
暗	格	官寺	黑教	南部	二十余人
喃	却	官寺	黑教	南部	六十余人
捧	噶	尔寺	红教	西部	四十余人
甲	中	寺	黄教	西部	四十余人
仁	賓	寺	黄教	西部	三十余人
学		寺	黄教	西部	五十余人

风 俗

与波密同

遺 跡

罗長琦字申田湖南罗罗山之孙也以翰林院計名道开发四川
 历充武备学堂总办新軍統領於宣統元年奉调入藏授为参贊大臣
 代理陸軍同知与凤山剿办波密以冬九为司令部遂将所轄之地划
 区分治以噶郎改为波密县冬九改为冬九县复置白馬岡及工布设
 治局全藏肃清拟设西藏为行省适逢鼎革未果罗長琦死焉

鍾穎字鼓鸣係將軍晋昌之子以知府隨父到夫惟慷慨既任协
 統凡官兵均以自行訓練成軍上下一体故万里長征无一异言嗣后
 因改波密至冬九提粮退駐魯朗旋被撤职兵心不服况临陣易将猶

为軍家不许鍾穎撤职调往拉薩任造幣廠总办立辞不就末之许也

当川軍入藏經四川总督赵尔巽奏定照内地軍餉外加一两二錢共四八錢另加草鞋費四錢以为津貼每月軍米一斗重三十斤定价八錢如有不願米者发稞麦二斗按月由餉内扣銀二两作为安家費官長亦然俾兵无有内顧之憂一心为国服务比至西藏軍米加至二两扣价在駐藏大臣联豫之意令士兵尽食稞麦节省軍費乃川人习惯食米驟食稞麦肚痛时逢波密之乱經統領鍾穎从中请求俟波密軍务平定再议暨平之后仍照二两四錢扣价於是士兵所得之餉不足一月之食立争时川人有一种哥老会内开五堂各立公口执其事者名龙头大爺凡会盟名曰传堂於是各营成立公口以为争持米价之基础猶非致乱罗長琦知之严人等办迨革命消息传至各营公举代表请罗释放等办之人发还米价並谓联大臣既不願川軍駐藏藉此起義或一同回川时罗着以随机处理不致变乱蓋士兵因扣米价而起仇联並非仇罗况各营長官持重約束尚以服从命令时駐防波密軍隊有川軍第一第三两营另两連士兵一管罗長琦得内地消息业已鼎革欲意先行回藏与联豫面议再为处理遂於夜间輕騎出走於是各营大乱无法制止有經昌都回川者有奔回西藏者罗長琦行至德摩地方被遊赵本立罗玉林等勒斃而死波密随以失陷此条本不应列此因波密之乱而亡藏有关历史故而录之以备参考

懶兵以詩悼之

烟云万里鼎湖昏

拓土闡疆从社稷

河山不没儒林志

未換西南伸大节

望断鬚眉拭淚痕

蕃屏植树为乾坤

日月留传赋玉門

千秋名表供朝嘏

附白馬設治局

白馬岡一名白馬積不屬人管之野番也藏名老卡止明季吳世璠王云南其酋長名落花者赴丽江獻馬封为落花王由此声势西南自立为国与藏相約以为流放之所每十二年达賴喇嘛來此讲經一次如达賴有事另派大喇嘛代表宣讲凡西藏僧俗罪过十年者皆流軍於此經酋長牙配乡间囚於村上其囚粮由土人供济期滿放回如有竊逃者被野番拏获格殺无论受剝皮剝手之刑蓋人皮入手售与藏中喇嘛作为符具竟成貫例有云野番生啖人肉係謂此也至宣統三年波密酋長白馬策翁逃亡於此官兵追剿野番恐懼遂殺白馬策翁迎师投誠改为白馬岡設治局

其地北經二十度东經二十八度踞拉噶木斯岭之脊西倚薄藏布江其疆域北界冬九西界工布东受坝南与猪猡偷夷犬牙相錯西南一隅与印度之薩的雅相連气候温和产五穀鳥兽成群森林弥漫花果遍山一风景区也

其俗半为裸体无文字弗知礼节凡女子至十五岁就於酋長慾后自配生兒多不知其父也崇拜鬼神有病无药祈祝天母死后零遷

喂犬或擲於水中喂魚誠為野番

其酋長以採獵較射刃能畜養虎豹尊波密工布為強節每年七八月間率領野番將所產之麝材皮革輸至德摩掉換鹽茶糖布以及所需之物名曰游牧交易時駐藏大臣派兵彈壓保護遵從約束至波密失陷有川軍一連於此駐防因路道梗斷不能回藏與酋長交涉全體繳械由妥填經察隅縣回川有不願回家者配以夷女安家乐业者數十人是此野番天真之純僕大有太古之風

附白馬岡喇嘛寺係為黑教有曾族寺地樓寺貢格寺崗佈寺松黃寺日崩寺鮮莫寺丹布寺

宣統三年波密失陷有川軍排長李成芝者被俘囚於白馬岡至民國七年與藏交涉放回面談此事甚詳簡而錄之以備參考懶兵附之一詩記之

裸體渾然負本真	茹毛飲血共風神
莫嗟白馬羲皇世	太古当年是野人

